



Broj: 04-40-1-35/26
Sarajevo, 05.02.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 04.02.2026. do 08:30 sati 05.02.2026. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su šest intervencija. Dvije intervencije se odnose na obezbjeđivanje tankovanja goriva na Međunarodnom aerodromu „Sarajevo“, dvije na gašenje zapaljenog otpada u kontejnerima i dvije na gašenje zapaljenog niskog rastinja na otvorenom prostoru.

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja, dana 04.02.2026.godine, izvršili su obilazak i osmatranje terena na lokalitetima Curine njive, Knjeginjac i Bistrički potok. Cilj obilaska bila je procjena trenutnog stanja terena te identifikacija potencijalnih rizika.

Redovnim obilaskom lokaliteta klizišta i izvršenim vizualnim pregledom terena utvrđeno je da nema većih promjena u odnosu na prethodni dan. I dalje je prisutan konstantan dotok vode iz pravca deponije, koji se ulijeva u drenažni kanal. Na samom drenažnom kanalu i dalje su vidljiva veća oštećenja nastala uslijed padavina. Na dijelu terena ispod igrališta uočeno je osipanje zemlje, kao i njeno taloženje na dijelu iznad prvih kuća. Nisu evidentirane nove pukotine, dok je na pojedinim ranije formiranim pukotinama primijećeno osipanje zidova te blago širenje postojećih oštećenja.

Na lokalitetu Knjeginjac nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora. Vizualnim pregledom stanje isto kao i prethodnih dana.

Na lokaciji Bistričkog potoka i duž istog se ne izvode radovi na raščišćavanju, tako da je isti u dijelu nasipa zatrpan kamenjem i stablima. Dotok vode kroz Bistrički potok sa Trebevića u povećanim količinama, dok se sa kaptaže izvora kod mosta na Boguševcu i dalje ulijeva višak vode u korito potoka.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave iznosila je 9°C, vlažnost zraka 69%, barometarski pritisak 920,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

U spomen sjećanja na stradale, obustavlja se saobraćaj u ulici Mula Mustafe Bašeskije, kod pijace Markale, u vremenu od 12:00 do 12:30 sati.

U cilju izgradnje tramvajske pruge Hrasnica-Ilidža izmjenjen je režim saobraćaja:

1. Raskrsnica R1 (Butmirska cesta - Dr. Mustafe Pintola)

- na prilazu raskrsnici iz smjera kružnog toka Ilidža neophodno je izvršiti potpuno preusmjeravanje saobraćaja iz dvije saobraćajne trake za smjer prema Butmiru u lijevu saobraćajnu traku koja dolazi iz smjera Butmira a koja se prenamjenjuje u suprotan smjer; preusmjeravanje počinje kod objekta na adresi ul. Butmirska cesta broj 8 i završava kod broja 12

- dvije saobraćajne trake koje su služile za vožnju iz smjera Butmira se prenamjenjuju u dvosmjernu saobraćajnicu

- zabranjuje se skretanje iz ul. Butmirska cesta u ul. Dr. Mustafe Pintola iz svih smjerova; neophodno je koristiti alternativne pravce (najbliži alternativni pravac je udaljen 100m iz raskrsnice R2, iz ul. Rustempašina cca 500m, iz ul. Nova Butmirska cesta cca 300m)

- iz ul. Dr. Mustafe Pintola zabranjuje se skretanje lijevo, desno skretanje se odvija bez izmjena režima saobraćaja

2. Raskrsnica R2 (Butmirska cesta - Butmirska cesta; Općina Ilidža i Bingo City Center Ilidža)

- iz ulice Butmirska cesta smjer od kružnog toka Ilidža: omogućen je pristup navedenim objektima
- Iz ulice Butmirska cesta smjer iz Butmira: zabranjuje se lijevo skretanje prema navedenim objektima, neophodno je koristiti alternativne pravce (najbliži je kružni tok Ilidža udaljen 300m)

- iz ulice Butmirska cesta iz pravca BCC Ilidža: zabranjuje se skretanje lijevo (alternativa je raskrsnica R3 Hills udaljena 250m), obavezno je skretanje desno

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a